



遊歷記

宿松紫麓朱書

燕秦之道

燕秦之道三由大名抵河南叩函關南道也由井
徑渡蒲坂叩潼關中道也由居庸循塞上達榆林
北道也南道坦少紆中道半險徑北道險予癸酉
甲戌兩歲中數往反焉皆出中道初以騎後皆羸
車羸車安於騎然於眺覽不宜匪盛寒暑則騎便
也因疏其道里聞見如此
廣寧門西南行三十里經盧溝橋

廣寧門金之正西門曰彰義今猶因之明嘉靖中築
南城此其西南隅之門也明崇禎甲申三月賊抵彰
義門宋獻策初云觀兵城下十五年始可破城城樓
上忽墮一天啟大錢一當五用獻策云此破城北發
一大砲樓角遂崩門有崇文稅課分司門外道北有
天寧寺元魏朔始曰光林隋曰弘業唐曰天王金曰
大萬安明宣德間改今名寺有塔高十二尋隋所建
以藏舍利者四周綴鐸萬計音無斷時僧云音歛則
光現又西有真空寺明世宗入繼大統駐于寺西距
門十里有義井菴或曰蜜井明成祖駐蹕甘其泉故
名由門以西春夏多積水泥淖小石纍纍人馬足著
之顛滑秋冬晴爽卽灰沙獵獵風中不能駒或用紗
幕眼比里許面積塵如搏土人不能識矣盧溝南北
更甚盧溝鎮城崇禎中建庚午後風景蕭條用言者
議當橋北規里許爲城名拱北二門南曰永昌北曰
順治今改永昌曰威嚴有兵守之盧溝水桑乾水出
太原天池伏流至朔州馬邑從雷山陽發爲渾泉雁
門雲中諸水皆會焉水經注曰潦涪水也東南流合
濕水桑乾水濕水並受通稱矣元河渠志曰小黃河
今按本一水也以其濁故呼渾河以其黑故呼盧溝

遊歷記 卷二
燕人以黑爲盧也水嘗衝溢爲患屢經修築爲費不貲說者欲倣唐裴行方遺法于上流引水爲田宋臣宋琪議伐遼云桑乾屬燕城北開道西壁而轉如千里卽幽州隔在水南賊騎來援已阻水矣孤壘必克按此則宋時此水在燕城北也元運道迎盧溝而上直達大同保安州自大同古定橋起至盧溝橋務里村止約八百餘里內可以舟行者七百二十七里陸運者八十八里然水峻激奔流善崩又濁易淤淺不勝舟故金元欲通漕卒不果石橋橫跨二百餘步傍皆石欄石獅踞杆首形狀奇巧金明昌間所造名山藏云嘉靖三十四年造盧溝橋成陶仲文先獻萬金助工加歲祿千石金初以盧溝曉月爲京都八景之一元明人多咏歌之曉星殘月曙景蒼然亦可觀也橋南有權司

渡盧溝橋五里經長新店又二十里經良鄉縣

天啟元年用御史李日宣言長店大井柳巷五里店太平塌等處自都門至良鄉每五里築墩堡宿兵十名備盜今畿內伏路官兵蓋其制也長新店有小岡路爲水壤多沙石店南有石橋良鄉漢縣莽曰廣陽

遊歷記 卷三
唐以不從安史之叛改名固節舊治涿州北四十里
後唐莊宗時移置鹽溝以趙德鈞鎮之鹽溝一作閻
溝發源宛平縣龍門口流與廣陽水合注盧溝今城
外水也其城景泰中築弘治時甃甃今爲地震所壞
縣東有浮屠在山上其驛仍名固節金主亮荒淫召
葛王烏祿妻烏林荅氏氏至驛問何名左右以固節
對氏曰吾得死所矣遂自殺後烏祿爲帝卽世宗稱
小堯舜者也

又南三十五里過舊店又十五里渡琉璃河石橋又十
五里經先峰坡又五里渡胡良河石橋又十里涉涿水

經涿州

未至舊店五里道東有弘恩寺明勅建者墻宇峻整
柏林鬱茂舊店一名豆店又作竇琉璃河金史作劉
李河宋敏求入蕃錄作六里河孫汝澄曰卽聖水也
水經注曰聖水出上谷東過良鄉縣南今按水自房
山龍泉峪流至霸州入拒馬河拒馬合盧溝也水極
清泚尤多鴛鴦永樂間曾修河橋嘉靖時濬河置橋
其上名其橋北曰仙積南曰永明橋長數十丈橋畔
倚一鐵竿長數十尺以鎮水怪俗謂王彥章所遺鐵
篙謬矣名山藏曰世宗好箕仙以箕示建琉璃河橋

立殿以鎮之雷禮橋隄記曰時逢霍潦散漫奔潰百餘里凡陸輓踈馳者動阻滯不能涉甚或四方驛奏坐視愆期上幸承天觀之惻然回鑿勅修石橋橋長四丈五寸濶三丈五寸高一丈三尺五寸水溝八道隄南北東西共長五百餘丈按此自見造橋本末顧以爲受命箕仙恐非是水經注曰聖水自涿縣東與桃水合首受涑水于徐城東南徑良鄉西分洹水世謂之南涉溝卽杭水也名勝志曰北涉溝南涉溝俱在縣東至涿州入桃水方輿紀要曰南涉溝卽督亢水北涉溝在涿州西北自涑水縣流入卽洹水然此

洹非趙之洹水彼自出潞安今道途匆遽未能詳也橋南舊有嘉靖離宮今不存市集繁盛胡良河北有延壽寺亦明勅建者河上石橋南連石隄中道有大碑亭萬曆八年二月涿州二橋記也張居正撰文其名爲爲人鑿損二橋記曰涿州北有河二自西山諸泉來者曰胡良河距城七里自紫荆關外鐵巢崖入者曰巨馬河距城二里每伏秋水暴至歲漂溺常數百人皇太后因州人請建橋自以宮中金募工成胡良河橋一巨馬河橋一高廣各二丈長三十餘丈費不過七萬往嘉靖建琉璃河橋一費三十萬茲二橋

之費不當四之一而堅緻精工乃過之按孫汝澄謂胡良河爲聖水太岳謂涿州城北河爲巨馬河證以水經聖水當屬城北河巨馬河當在城南然水經注曰聖水自涿縣東與桃水合首受涑水又曰巨馬河卽涑水則止此一水曰巨馬曰聖曰涑曰桃曰涿曰挾曰挾活河曰奇溝曰岐溝曰督亢溝曰阪泉其名白赫耳然應劭云涿水東注濕水則入桑乾也水經注云巨馬水于平舒北南入寧池則又不同難以考信矣明一統志曰挾河自房山縣東南流與胡良河合方輿紀要曰挾河在縣西二十里亦名巨馬河是更互異也要之州以涿水得名涿水在其北也又曰范陽范水在其南也涿水橋今圯但存石隄里許秋冬架木爲梁列仙傳曰琴高者趙人以鼓琴事宋康王爲舍人後辭入涿水中乘赤鯉來留月餘復入水去按宋去燕遠水經注載琴高騎鯉在芒碭穀水中其說亦不合也黃帝與蚩尤戰于涿鹿之野留其民于涿鹿之阿此燕山建都之始燕爲涿邑漢爲涿郡治莽曰垣翰魏改范陽郡然舊亦有范陽縣秦末蒯通說范陽先下是也唐始爲涿州名勝志曰城周九里形如凹字相傳顓頊時所築明景泰中甃磚石自

秦以後明以前天子幸涿州者凡二隋煬帝自江都幸此伐高麗宋太宗自并州幸此伐遼隋因以亾宋亦無功而還計自石勒襲破王浚涿水南北歷晉宋齊梁陳皆淪異域隋唐財能一之未幾天寶十五載安祿山稱帝不奉正朔中僅一歸于五代之唐不久岐溝以北復淪契丹直至明太祖皇帝混一區宇後乃建都凡二百七十餘年噫何多故也由晉至今幾二千年其歸于一統者僅三四百年爾自都建于燕四方萬國來同其來道于此合其歸道于此分州真衝煩地也

涿州北門外泚城而西行十五里經樓桑村東又十五里經松林店又二十里經高碑店又二十里經定興縣入城而南而東齊魯吳楚閩越之道也泚城而西而南趙魏秦韓楚蜀黔滇之道也城西北隅有華陽臺舊傳燕丹與樊將軍置酒華陽館出美人奇馬處名勝志曰范水在州西南水北曰陽范陽郡名以此許奉使行程錄曰近城有涿河劉李河合范河東流入海廣陽城在州西南十五里漢封劉良於此卽樓桑村也村爲漢昭烈故居故有三義廟祀昭烈而以關張配焉按金王遼筠廟記當時兩廡配祀諸葛孔明

關雲長法孝直在東龐士元張翼德簡憲和在西極
爲允當三國志但言三人情好若兄弟自小說朔爲
桃園結義恠荒之譚於是俗多爲三義廟像設關張
並昭烈而坐君臣同席大爲不經甚至寇盜聚黨皆
以壯繆爲師殊可恨也村南舊有梁門城文天祥詩
曰我過梁門城樓桑在其北今無矣去村三里爲酈
村酈道元故居也元注水經者本涿人而易涑巨馬
呼沱滉濕殊草草不備何耶南有張桓侯廟松林店
當近岐溝關宋時與契丹分界處也雍熙三年詔曹
彬北伐破涿州尋敗績於此或曰在州西南三十里
或曰四十里方輿紀要曰一曰奇溝又曰祁溝唐末
所設彬等既敗夜渡巨馬河趨易州遼兵追及溺者
不可勝計按此則巨馬河又當在店南矣水經注曰
巨馬水又東酈亭溝注之今自松林店南並無水足
以應之者何也定興本范陽境金始置縣今屬保定
府縣北一里有祖車騎逃故里
又十里涉易水又二十里經固城店又三十里經白塔
舖又十里經安肅縣

水經曰易水出涿郡故安縣閭鄉西山故安今易州
也注曰易水逕范陽縣故城又東與濡水合許慎曰

濡水入滹沱渠二號卽巨馬之異名然二易俱出一鄉同入濡水南濡北易至涿郡范陽縣會北濡又並亂流入涑是則易水與諸水並攝通稱東逕容城縣故城北至勃海平舒縣與易水合平舒今大城縣也按史記趙與燕易以龍兌汾門與燕燕以葛城武陽與趙酈元謂易水南過武遂縣爲武遂津津北對長城門謂之分門卽史記汾門一作梁門或作粉門而文山詩謂樓桑在梁門北則岐溝又當屬易水矣總之易涑巨馬涿濡范古多通稱不能定也今此渡處俗呼北河東南至新城南十里爲白溝河涿水琉璃胡良諸河來注之入寧池下會桑乾至直沽入海宋遼止以白溝爲界則岐溝當是此河也又按燕都東北西三面以山爲險南一面獨平無險然其險在水故蘇秦曰南有滹沱易水自雄莫東際海多積水遼出兵未嘗由此宋臣請自順安西至西山遏水爲塘埭以限戎馬雖云十萬土囊可得路然設險亦先王所不廢矣白塔舖有塔七級在道左安肅古遂城宋真宗咸平三年楊業子延昭守遂城會大寒灌水城上且悉爲冰堅滑不可上契丹乃引去通鑑注曰遂城今安肅縣然太宗時劉廷翰敗契丹于遂城注又

通志 卷九
稱滿城縣今按安肅於宋時爲安肅軍亦名靜載軍則遂城當爲別屬矣

又西南十五里涉漕河又十五里經保定府

漕水水經注曹水也出寧縣曹河澤東南逕北新城縣故城南又東入于徐水燕之疆域止於易水過此卽趙境矣戰國時武王所封諸侯惟燕及楚耳齊韓趙魏皆篡奪之國秦最後封楚亦子爵本蠻彝不同燕燕孤懸邊塞逼近追貊乃能九世稱侯八世稱公十世稱王與周室同歷八百年蓋亦盛矣秦楚之際六國各立後燕獨無後顧炎武曰燕與秦不用宗姓俾其城壞故不能復興予以勢度之或秦政以荆軻之故棄疾於燕夷滅其族亦未可知也保定秦之上谷非燕上谷也燕上谷在今宣府境上漢末公孫瓚於易州稱易京蓋鉅鹿信都涿郡中山之交也宋爲保州一名保定軍一名清苑郡明正統中設順天永平巡撫以備邊成化初始兼設二撫分轄畿內一駐遵化一駐保定後設薊遼總督移巡撫駐真定又移

順德 大清初設直隸河南山東三省總督後裁今止設巡撫仍駐保定而清苑一縣附郭內焉保定北郭外道東有楊忠愍公祠公保定之容城縣人名繼

盛明職方兵部員外郎論權相嚴嵩被禍者也北平王源曰忠愍與楊左同以直諫死然忠愍當神宗時上方英明獨斷猶冀萬有一悟死諫固宜楊左當熹宗時上不與聞國事一切皆魏璫爲之言魏璫二十四大罪卽于魏璫之前以此而死則愚矣故楊左不可與忠愍同論也予謂忠愍職在兵部上無格心之位下非言責之官卽不言非過而強聒致變位卑言高亦可悲已裁以聖人用夫之道疑未盡也容城元有劉因明有忠愍近有孫奇逢皆豪傑容城墓門及保定皆有賜祠此祠建自武文達歷五十餘年郡丞俾其城壞故不能復興予以勢度之或秦政以荆軻之故棄疾於燕夷滅其族亦未可知也保定秦之上谷非燕上谷也燕上谷在今宣府境上漢末公孫瓚於易州稱易京蓋鉅鹿信都涿郡中山之交也宋爲保州一名保定軍一名清苑郡明正統中設順天永平巡撫以備邊成化初始兼設二撫分轄畿內一駐遵化一駐保定後設薊遼總督移巡撫駐真定又移順德 大清初設直隸河南山東三省總督後裁今止設巡撫仍駐保定而清苑一縣附郭內焉保定北郭外道東有楊忠愍公祠公保定之容城縣人名繼

盛明職方兵部員外郎論權相嚴嵩被禍者也北平
王源曰忠愍與楊左同以直諫死然忠愍當神宗時
上方英明獨斷猶冀萬有一悟死諫固宜楊左當熹
宗時上不與間國事一切皆魏璫爲之言魏璫二十
四大罪卽于魏璫之前以此而死則愚矣故楊左不
可與忠愍同論也予謂忠愍職在兵部上無格心之
位下非言責之官卽不言非過而強聒致變位卑言
高亦可悲已裁以聖人用夫之道疑未盡也容城元
有劉因明有忠愍近有孫奇逢皆豪傑容城墓門及
保定皆有賜祠此祠建自武文達歷五十餘年郡丞
常大忠及邑人魏一鰲重葺孫奇逢爲之記祠像面
白髻頤豐鬚髯五道其前卽金臺驛按燕之金臺在
易州此趙地不當有金臺也京師南十六里亦有之
蓋後人所做築也西有忠烈祠祀甲申死難者流賊
破居庸關將寇京師保定人震恐署府事同知邵宗
元徐州人也與總監方正化故光祿少卿張羅彥糾
鄉兵二千人登陴無何督師李建泰退兵抵保定謀
入城守城者不納建泰遣監軍御史金毓峒與城上
人盟始得帥其衆入居公廨先是建泰陰有異志已
而京師陷賊遣其黨趨保定射書與建泰約降建泰

召衆至索宗元印予賊宗元不予逼之涕泣被面久之大呼曰宗元一江北老貢生耳然不忍背主苟活閣部名科甲受任將相縱不自愛惜獨不記出師時皇帝親祖正陽門以武侯晉公相期待耶因擲印拔刀自剄衆或抱持相率納印宗元散建泰夜約賊明日城陷宗元被殺猶握印賊斷兩指乃得取去方正化及新知府何復張羅彥兄弟婦女皆死金毓峒不受建泰招亦死保定後京師五日而陷或曰攻圍二十四日舉人劉會昌等同死祠南面文職十有四人東廡監生諸生三十有八人西廡武職二十有八人東廡監軍一人西廡義民二十人後婦女一百有七人皆設主崇禎時申用懋請畿內設四輔宿重兵以衛京師事不果行保定雖駐巡撫而無兵衛所以陷也畿內明設皇莊今設八旗軍屯軍屯東路及于河間西路及于保定初以絙環之所至卽歸八旗居民世業田園室廬墳墓皆不得而有也稍健者反賃爲佃而納穗秸焉頃得于撫軍成龍稍伸紀法小民略獲登丘墓云

又南二十五里經大激店又二十五里渡方順橋又三十里經慶都縣

大激店南有會水河雙石橋蓋徐河也宋太宗端拱二年都巡檢尹繼倫敗契丹耶律休哥於徐河河出易州水經注曰徐水三源奇發齊瀉一澗東流北轉逕郎山南郎山者保定北山漢戾太子之子遁此故名也出山又名順水一曰沈水一曰泉頭水至高陽入于博志曰初出灘石衝激聲聞若雷曰雷溪方順橋屬滿城縣水出西北山中下會徐河或曰徐河卽清苑河城西水水經注曰徐水東逕清苑城也慶都漢望都城側有堯母墓曰靈臺水經注曰成陽西二里有堯陵陵南一里有堯母慶都陵於城爲西南稱曰靈臺後漢堯母碑曰慶都仙沒蓋葬於茲欲人莫知其名曰靈臺宋知濮州韓鐸言堯陵在雷澤縣東穀林山陵南有堯母慶都靈臺廟請敕本州春秋致祭置守陵五戶從之按此皆謂慶都靈臺在山東也邑有柳宿城漢宣帝母王夫人入朝與父母別於此又南三十里經清風店又二十二里涉唐河又八里過

定州

清風店夾道植榆柳陰映日月如行華陰道上土俗于掬擊柝四更而曉唐河卽滏水也水經曰滏水出代郡靈丘縣高氏山靈丘今大同蔚州屬縣也山海

經曰高氏之山滌水出焉東流經于河自倒馬關入定州合恒水逕唐縣遂名唐水地道記曰望都縣有委粟關水經注曰中山城有小山在西側水鏡上著委粟焉又曰唐水一名雹水自合恒水一曰恒川卽禹貢所謂恒衛旣從也水逕中人亭南晉荀吳帥師侵鮮虞及中人大獲而歸今在慶都境水經注又有博水出望都亦名濡水入于滌春秋齊與燕會于濡水杜預曰濡水出高易縣東北至河間鄭縣入易水是濡水與凜池滌易互舉通稱矣定州古中山國魏文侯樂羊滅中山今有樂羊城初武公封唐爲周同

姓其後桓公不恤國政太史餘曰中山滌昏康樂逞欲無度其先亾矣魏文侯旣滅中山以封太子擊水經注引馬融曰晉地自朝歌以北至中山爲東陽自朝歌以南至軹爲南陽漢立中山郡景帝封爲任國昭烈之所肇也莽曰常山北魏立安州改定州初趙石建武築城立宮後燕因都之志曰州漢博陵郡按博陵蠡吾故縣冲帝以侯入繼追尊其父翼陵曰博陵因置郡隋乃移博陵于此非漢也唐以後皆曰定州宋太宗北伐時契丹將遁有于越者請以五千騎嘗師從之乃騎持一幟由間道邀師歸路周環往來

晝夜不絕帝疑援兵大至宵奔定州矣州一名定武軍名宦于宋極盛韓琦宋初趙抃呂公著蘇軾管師仁之屬皆在焉州地飛沙揚灰行者苦之今屬真定府

又南三十里經明月店又二十五里經新樂縣

新樂漢之新市也新市有二其一在楚漢陽地縣爲北新市新樂縣西南三十里有水名木刀溝唐范希朝張茂昭朱邪執宜及王承宗戰處也溝在鎮定二節度之界晉荀吳僞會齊師者假道于鮮虞遂入昔陽杜預曰鮮虞白狄別種在中山新市縣日知錄曰

晉之滅狄始于魯宣公十五年滅潞三十六年滅甲及留吁成公十一年伐廡咎如而上黨爲晉有矣昭公元年敗無終及羣狄于大鹵而太原爲晉有矣然後出師以臨山東昭公十二年滅肥二十二年滅鼓于是太行以東之地謂之東陽太行以南之地謂之南陽而晉境東接于齊先後八十餘年而鮮虞猶不服平狄之難如此今屬真定府道旁有無極令范君去思碑君名永嘉字玉蒼上元貢生初爲余宿松縣教諭余初爲弟子員甚相得會有某進士者宿松邑大夫分校所得士也來謁邑大夫頗通賅賂余貽書

謂之某志立請君欲召余面詬君從容謝曰朱生狂
召不必來卽來恐復不遜若何且苟無其事何卽人
言誠有之宜覆匿毋益彰之也莫如無召某不懌而
止是時某挾邑大夫勢頗恣肆君以片言止之咸服
其能持大體後遷無極令都門遇予約予過無極若
欲有以濟其貧者予卒未往聞頗有善政然不悅于
豪猾未幾卒于官無子一女適陳戶部子戶部名奕
禧海寧人邑有伏羲臺臺有碑字剝落不可讀

又南渡沙河三十五里經伏城驛又十里涉滋河又三
十五里經真定府

沙滋皆不入水經大抵西北出北岳之麓東南流入
滹沱沙河水甚盛滋廣可二里許常涸沙湧難行真
定楚封張耳常山王於此入漢爲恒山國蓋卽趙之
東垣邑也漢高十一年上擊東垣下之更命爲真定
唐初爲鎮州常山郡顏杲卿以之抗安祿山者也後
爲成德軍王逌湊拒命韓愈奉詔宣諭復馳詔止愈
毋徑入愈徑至賊營責以大義逌湊聽命蘇軾所謂
勇奪三軍之帥也自幽州首亂安祿山及子慶緒歷
史思明朝義李懷仙朱希彩泚滔劉怱濟總張弘靖
朱克融李載義楊志誠史元忠張仲武直方張允紳

簡會張公素李茂勛可舉李全忠匡威匡儔劉仁恭
守光凡二十有八人而滅于晉是爲盧龍軍鎮冀自
李寶臣維岳王武俊士真承宗承元遮湊元達紹鼎
紹懿景崇鎔凡十有二人而滅于梁是爲成德軍盧
龍軍有州九幽薊營平涿莫檀媯瀛成德軍有州六
恒定易趙深冀蓋燕趙亡而匈奴之禍亟于漢兩鎮
亡而契丹金元之禍汔于宋以一國一鎮之力捍外
而有餘以天下之力衛內而不足是可慨也宋真定
爲河北西路治明末真定設巡撫崇禎十一年大
清兵南下督臣盧象昇宜興人也追至保定斬首百
二十戰于慶都斬首百五十師次真定巡撫張其中
絕其餉饋軍中五日無糧城門閉使者轉呼東南二
門自未至申城上乃傳云有銀無糴奈何十二月以
餓卒戰于南宮之賈庄大清兵大敗夜三鼓大
清兵合圍猶力戰自辰至午力竭而歿大清兵乘
勝南下山東破濟南席捲登萊自十一年五月入居
庸至明年夏乃去又五年而明亡矣真定府城甚大
環郭皆稻田池盡荷藕風景殆河北所少也治東龍
興寺後有天寧閣一名大悲閣九間五層高一百三
十尺中有觀音像高七十三尺宋開寶初建附郭縣

日真定
西郭外五里渡滹泥河又西二十里經趙陵村又三十里經獲鹿縣

滹泥禮記作惡池周禮作寧池漢書作呼沱俗曰蒲桃河寰宇記曰滹沱出代州繁峙縣東南孤阜山漢書注曰出大戲山經定州滌澤縣東南卽光武履冰渡河未畢數騎而解處地名危度口周禮注曰出鹵城山海經曰秦戲之山無草木多金玉滹沱之水出焉至真定南河濶一里每暴發則衝激漂蕩府城受其齧噬矣燕趙水皆清惟盧溝及此濁水急不甚深

光武本紀乃曰水堅可渡其下流經河間府獻縣北十五里則河反隘于真定然中流椽杙爲梁可知其仍不深也水經注曰漢蓋咨乘呼沱之水轉山東之費自都盧至牟腸倉將憑汾水以漕太原用實秦晉苦役連年轉運所經凡三百八十九隘死者無筭拜鄧訓爲謁者監護水功訓知其難立具言肅宗罷之全活數千人和熹鄧后之立叔父以爲訓積善所致也職方并州川曰寧池嘔夷浸曰涑易蓋涑易合流至容城雄霸任丘之間滙城大澤北人呼湖曰淀今歲行水圍處也嘔夷不知何水水經注曰涑卽溫夷

之水也豈其是耶由府城而南河上有輿梁可行取
入秦便故西涉河也河之南南行爲趙魏楚滇黔之
道卽入秦南道也予行中道故折而西獲鹿古石邑
隋鹿泉唐獲鹿縣在山麓城西有溪水磊石爲雉堞
以代甃甃蓋甚堅也境出海山石皆成松形雨後更
顯

自都門至獲鹿縣凡六百三十五里經府州縣十
城外盧溝橋一城其地皆平原廣野利於馳驟西
望太行東極海堧無高山險阻惟久雨暴潦則濕
易巨馬漉滹沱諸水橫溢不易行也

獲鹿縣西入山行三十里經白石嶺又十里涉微水又
十五里經張村南涉河上下山嶺凡十里經井陘縣

縣西卽唐土門關古井陘口也安祿山之變以官軍
扼土門關不得西乃出南道矣道旁有華山韓信使
人持漢赤幟登華山是也後魏葛榮之亂民有不從
者於此抱犢而死故一名抱犢山今邑中有淮陰侯
廟微水出固關之南合井陘水北注滹沱井陘漢縣
唐井州宋天威軍城南臨水北據山水勢甚盛東經
張村會於微水南嶺下有碑云韓信談兵處信破趙
後始得李左車師事之談兵當在今順德府境豈與

諸將言背水置之死地云云乎恐亦不當在此也崇
禎初流賊渡河入山西陷河曲患苦聞喜稷山陷澤
州壽陽毒晉五年遂延畿南北據五臺時能禦賊者
稱井陘道寇從化大名道盧象昇從化嘗有張村之
捷當在是也後從化移臨城未幾賊亦履水從澠池
渡河入中州矣今井陘仍設道臣一員秦始皇崩於
沙丘在今順德府境既至井陘乃從井陘抵九原然
後從直道以至咸陽回繞三千餘里而歸蓋僞爲游
行以破疑揣之心也

從縣西行土谷中十里經板橋又十里經龍阿寺又五
里經桃園又五里升石嶺入舊固關始出京畿入山
西界又降十里出新固關

土谷兩旁如削道行其中自此以西多有之函谷亦
此類也龍阿寺東西作兩關關上樓觀頗弘麗桃
園棧桃柿甚廣固關本井陘故關也奇險甲天下舊
關東屬北直真定府之井陘西屬山西大原府之平
定白板橋以西皆兩山相夾行礮壑中至舊關而峻
多牽馬步行以升者防石滑蹄踣也出舊關降而盤
折抵新關勢愈峭壁愈斗絕然道平無升降兩旁可
十餘仞山腰頂有城如帶關門皆磊石鑄額曰固塞

雄關有兵守之關之東百十數里山谷崎嶇自關以西山高峻連綿不可升或中斷爲谷路迂回盤曲陜內百步外不相見地皆石磧雨集成溪路益隘車不得方軌馬不得成列遠且數百里山谷無伏莽人且戰栗故自燕至秦之天險斷以此爲最梁份曰固關之險險于函谷函谷兼倚黃河固關但倚山耳其路之屈仄山之盤互兵可以伏人難於行也今山西古河東古山西今陝西史記蕭何填撫山西是也蓋建都長安則今山西地爲河東建都薊門則今山西地在太行以西故也又今稱山西曰晉稱畿內曰燕其實保定河間大名真定順德廣平皆晉地不屬燕也又西十里經槐樹舖又二十里升土嶺降行出谷中經栢井驛又三十里經西郊集又二十里經平定州

出新關仍行礮壑中踰土嶺過栢井驛兩山夾立如門爲固關外障土嶺以東礮水東南流復北折出微水土嶺以西礮水西流至平定亦北折東經井陘縣前出微水合注滹沱栢井驛屬樂平漢沾縣也春秋臯落氏之地今有臯落墟或曰周召分陝之界按陝在河南陝州恐不及此平定在衆山中忽開敞漢曰上艾北魏曰西陽郡又曰石艾東魏僑武州唐廣陽

州宋平定州柳宗元晉問曰大鹵之金注曰太原榆次交城五臺縣及平定州俱出鐵今冶鑄之利流布天下矣宋歐陽修馬政議曰遼州平定軍不耕之地甚多山川深峽水草甚佳其地高寒必宜馬崔寔政論曰僕前爲五原太守土俗不知緝績冬積草伏臥其中若見吏以草纏身令人酸鼻吾乃賣儲峙得二十餘萬詣雁門廣武迎織師使巧手作機乃紡以教民織古人勤民如此今平定有司傲而行之民頗得其利然情俗卒難變也城中有太原同知駐之方督行此事未幾去織亦廢河干有妬女祠武后幸此懼欲別開道避之以狄仁傑諫而止金元好問承天鎮懸泉詩注曰平定土俗傳介子推被焚其妹介山氏恥兄要君積薪自焚號曰妬女祠其碑大曆中判官李諲撰辭旨殊謬至有百日積薪一日燒之之語鄉社至今以百五日積薪燒之謂之祭妬女其詩有云此水綿綿流萬古人言主者介山氏且道未有介山之前復誰主其言以正謬矣

州西降高嶺四十里經新興店又西行礮壑中四十里經張井集又十里經芹泉驛又西踰土嶺二十里經壽陽縣

州西卽宋之嘉山今日黑沙嶺嶺東張氏園亭時名
花叢篠古木引水畜池魚臺榭壁柱間多前代名人
墨蹟位置曲欄砌石有江南風景堂後甃甃爲樓
三層置火道煨煤其下火氣直周上窮冬和煖如春
樓前對岡上松數株葱翠可愛淮北齊趙燕境松絕
少周禮職方曰并州其利松栢予行并州道上止平
定稍稍有松西則間見於安邑之郊是難云利矣張
氏名植其先人賢仕宦構此園流賊殘平定園得免
焉亦魯靈光也新興店濱河在石磧間結茅覆屋編
葦爲壁居人在店後土窟中曉集店爲過客執爨進
餅餌則皆用婦人自嶺下北行兩山中又西折至張
井皆緣溪數渡水漲或冰雪皆難行張井以東水皆
入滹沱壽陽以西水卽入汾矣然則土嶺固潞安懷
慶畿南雷首諸郡之脊也芹泉驛屬孟縣春秋之仇
猶也襄二十八年晉人分祁氏之田以爲七縣鄆祁
平陵梗陽涂水馬首孟孟卽孟馬首卽壽陽涂水則
榆次梗陽則清源皆道所經也壽陽晉邑唐曰受州
城在山谷中溪水環其西邑人皆穴土甃甃以居
西涉河行岡上升降五十里經太安驛又三十五里過
什貼又三十五里經王胡集

太安驛前後皆山一溪環之昌黎集有壽陽驛詩邵氏見聞錄曰壽陽發地得二詩石唐人跋云退之有倩桃風柳二妓故壽陽詩云不見園花兼巷柳歸途聞風柳已去故云還有小園桃李在後張籍祭公詩云乃出二侍女非此二人耶古人干役懷家偶爾興念致慕之者刺石瘞土間久而獲見賢者之蹟珍逾寶物矣什貼北道入太原可達榆林寧夏入烏思藏者多由之余未經也王胡集屬榆次縣

自獲鹿至王胡集凡四百一十五里經州縣三城井陘一關道皆行山中壽陽以東山皆石壽陽以西山皆土石山既礪确粗惡土山復排比盤互或圻裂如切割卽成大谷深不可測道偶行壁上左或如垣屬耳右卽懸厓無底又或兩山中斷一線如橋梁而下無水道亦或下墮深澗天財一綫故古有之曰此行堪白首終日厭青山也王胡始平夷矣

出王胡西望榆次縣三十里經茹康集又三十里經徐溝縣

榆次本祁氏涂水邑水經注曰晉大夫智徐吾之邑也漢書曰榆次十三州志曰塗陽縣莽曰太原亭縣

南側水有鑿臺韓魏殺智伯瑤於其下宋史曰太宗
太平興國四年以榆次縣爲新并州築新城盡徙餘
民遣使督之旣出卽命縱火以行宮爲平晉寺陸游
老學菴筆記曰太宗徙太原於榆次後又以三交城
爲太原在舊城東北三十里徙晉文公廟以廟之址
爲州治又徙陽曲於三交而榆次復爲縣也徐溝晉
梗陽水經注曰汾水又南逕梗陽縣故城東魏獻子
以邑大夫魏戊也

又西涉洞渦河經姚城又二十里經嘉陵集又二十里
涉沙河經祁縣

水經曰洞渦水出沾縣北山日知錄曰水出樂平縣
西四十里陡泉嶺經平定壽陽榆次至徐溝入汾今
縣北五里洞渦河陽有洞渦村也水經注云劉琨之
爲并州也劉淵引兵邀擊之合戰於洞渦河卽是水
也舊唐書及五代史昭宗天福元年四月氏叔琮營
於洞渦驛新唐書地理志太原有縣十八其一曰洞
渦宋史曹彬傳前軍都監戰洞渦河北漢世家李繼
勳敗繼恩兵於洞渦河至魏書地形志則云同過水
出木瓜嶺一出沾嶺一出大廉山一出原過祠下五
水合道故曰同過今縣驛省作同戈非其故矣姚城

一作堯城又作陶唐城屬清源縣亦梗陽地也或曰堯從涿鹿遷都於此故名嘉陵一曰陽羽店沙河侯甲水也水經注曰蔡邕曰侯甲亦邑名在祁縣侯甲水出胡甲山又西北歷宜歲郊逕太谷謂之太谷水出谷西北流逕祁縣故城南自縣連延西接鄆澤鄆澤者呂氏春秋曰大理又名之曰溫洩之澤是爲祁藪也卽爾雅所謂昭餘所矣又西逕京陵縣故城北春秋九原也又西北逕中都縣故城南水經注曰甲水經中都縣故城南春秋晉執陳無宇於中都者也漢文帝爲代王都此武帝幸中都宮殿土見光赦中都死罪以下括地志曰中都故城在平遙縣西南十二里又西合爲嬰侯之水逕鄆縣爲鄆水一作馮水入於汾祁晉大夫賈辛邑漢王霸以博士徵不就子殷居祁縣號所居爲君子鄉王允溫嶠王珪溫連筠之倫代多聞人矣太原疆域始于平定止於祁過此卽屬汾州也

又西三十里經洪善村又十五里經五里莊又五里經平遙縣

洪善平遙驛名也平遙卽京陵莽曰致城舊與漢大陵縣俱在汾水北大陵在今文水縣東北三十里平

遙在今文水縣南二十五里路左平陶村後漢縣平陶也有子夏山距今縣七十里卽陶山縣名以此或曰古陶堯所封魏改平遙西邊內侵徙居京陵卽趙文子與叔向所遊之九原也九原一曰九京漢增陵於其下故曰京陵或云九原在絳州境日知錄曰古者卿大夫之塋必在國都之北不得遠陟數百里志以九原在太平縣西南二十五里近之矣縣今屬汾州府汾州古西河也迤東北皆趙地迤西南皆魏韓地也又四十五里涉綿水經張蘭鎮又二十五里經湛泉鎮又十五里經介休縣

水經注曰汾水又南與石桐水合卽綿水也水出界休縣之綿山北流逕石桐寺西卽介子推之祀也顧炎武日知錄曰介山有二一在介休杜預左傳注袁崧郡國志晉書載記皆云介子推所隱處也一在萬泉縣古汾陰揚雄河東賦有覽於介山嗟文公而愍推之語綿上亦有二一卽介休之介山一在翼城縣西晉悼公蒐綿上以治兵又趙簡子逆宋樂祁飲於綿上是也之推隱處或主介休或主萬泉文公時霍山以北大抵皆狄地之推何得隱此至以之推爲自焚因有寒食禁煙之令其事尤謬左傳呂氏春秋史

記皆無自焚之說立枯引於屈原燔死見於莊子或
是寓言不足爲據周官仲春出火命司烜氏以木鐸
修火禁於國中今之寒食禁火蓋本此若云爲之推
死而禁則清明寒食初無定日琴操又云子推之死
乃五月五日周舉傳又云中冬輒一月寒食以子推
焚死不樂舉火其說不一皆不足信也張蘭晉之劇
市也貨騰桑絲六畜咸備焉有城駐兵守之鎮西李
侯村有李陵墓相傳陵死單于歸其匱至此不行從
人卜以射矢集處塋之湛泉有水北入汾或曰綿水
也介休東郭外有郭林宗祠墓當道南石坊表曰漢
郭林宗墓門表曰山西夫子祠祠內有像祠左立蔡
中郎志銘凡二其新刻則周雪客在浚出陽曲傅青
主山所藏本屬江寧鄭谷口簠書之者蔡伯喈謂盧
子幹馬日禪曰吾爲天下碑文皆有慙容惟郭有道
無愧於色墓在祠後皆北向其大如陵祠基址甚弘
敞邑人皆神祀之矣介休春秋彌牟邑亦曰綿上葬
曰介美北魏平昌北周永安唐介州介侯祠在東門
內祀之推也汾州府境道始平遙止介休又西南卽
入平陽境也

自王胡至介休凡二百五十五里經五縣城皆坦

途行大阪中諸山自壽陽出道之南東折入平定
樂平境復西回走數百里爲太行又西傍北一支
爲綿山西盡於韓信嶺中一支爲霍太山西盡於
河津孟門外一支爲中條雷首西接於潼關所謂
河山兩戒之北戒也榆次徐溝祁平遙介休五城
相望皆南面太行北背汾水諸水自南來北注於
汾汾隨山麓西流出介休西此間山川環抱據天
下之勝風氣完固土膏沃衍唐虞以來晉強天下
趙爲約長漢文唐祖相繼而興劉淵劉曜石勒元
魏高齊朱邪唐石晉北漢後周之屬奄有位號皆
起於此非偶然也宋太宗以太原地爲久霸之府
又宋主大火有參辰不兩盛之說一舉而焚之未
幾淪於
迄流賦構禍晉代兩藩屠滅慘酷降
賊陳永福盜僧主人手刃諸宗略盡晉水之清不
可問矣

城西南又十五里經義棠鎮出鎮始南行汾墘入山谷
三十里經冷泉關又二十五里經靈石縣水頭

義棠介休驛也西傍汾水水經曰汾水出太原縣北
管涔山山海經曰北次二經之首在河之東其東首
枕汾其名曰管涔之山其上無草木而下多玉汾水

出焉而流注於河十三州志曰出武州之燕京山今
按管涔山在忻州之靜樂縣汾水出山下經府城西
南逕數縣入介休境周禮職方冀州浸曰汾潞蓋汾
西路東不同歸也至此爲寇爵津水經注曰寇爵經
在介休縣之西南俗謂之雀鼠谷數十里間道隘水
左右悉結偏梁閣道累石就路縈帶巖側或去一丈
或高六尺上戴山阜下臨絕澗俗謂之爲魯般橋今
行其地信猶然矣後周書又稱調鑿谷道在汾左岸
冷泉關汾州平陽之分界已廢城門尙存靈石城臨
汾水波瀾衝激而無崩嚙患世傳有石甚靈汾水避
而西又折抱于東而去故縣以名矣予觀縣北半里
有溪水東來疾流入汾勢足遏汾之悍非石力也今
靈石不存北門所立者乃鐵耳縣漢介休地隋始置
靈石縣今屬平陽府廣川書跋靈石縣有唐永徽公
主手痕在汾河岸山壁間宋歐陽永叔有詩弔之今
此跡無可覩矣

又西南升二十里過韓信嶺又西南降二十里經仁義
鎮又西行礪谷中復升行嶺上三十里經師莊又西降
三十里經霍州

由義堂而南至韓信嶺下皆行汾左岸谷中石山麓

韓信嶺自東來迤汾西去山多厚土人陟從土陘中嶺上有韓信祠墓南向墓亦甚大相傳高帝征陳豨還呂后誅信傳首至此帝見而憐之命瘞嶺上廟中有元學士歸暘碑云或以爲是韓王信非淮陰侯案韓王信亾入胡數盜邊柴將軍斬之於參合參合大同邊境不應有墓在此豨之反也淮陰與同謀后誅信時豨尙未伏誅故傳首示豨亦未可知史稱帝從征陳豨來見信死且喜且憐之則傳首而瘞之似可信嶺上南望霍太山四月尙多積雪羣山盤迴如在重城中矣嶺南半有溝曰郭家溝架石爲橋橋北有

關壯繆侯廟廟碑明嘉靖中辛

撰文董珊書甚佳

溝極險要而祠宇幽麗征夫顛頓至此如獲入洞天也仁義鎮北山上民堡甚繁從師莊西降復循汾水左塹霍州臨汾城北埋鐵牛以鎮水怪州卽古彘地周厲王所流也其陵在州內西南隅今猶名周王墳而陵已平矣莽曰黃城漢順帝改永安縣隋汾州霍邑唐呂州水經注曰霍伯之都也歷唐城東瓚注漢書云堯所都也州北嶺下之水當是彘水水經注彘霍爲兩邑故曰彘水在彘城東十里也水出東北太岳山禹貢所謂岳陽也卽霍太山矣職方冀州之鎮

今祀爲中鎮史記所載飛廉趙襄子霍太山事甚俶
詭今不能詳也州東有隋將宋老生墓明末水齧移
塋城北里許今漸頽沒志仍載州東他日恐還湮沒
老生有遺愛於霍祀名宦任忠節公祠在南門內公
名光裕由恩拔初任洛邑後推北直香河令崇禎二
年大清兵破城被擒不屈死同死者良鄉令党還
醇賜祭塋謚廕入鄉賢名宦州志竟逸其名南門外
有邢忠義公墓碑諱飛翰元末人陳戶部奕禧虞州
集口霍州城內高外低因地勢爲之者翼城縣亦然
又曰余宿霍州福昌寺求所謂呂州普濟寺者卽其
地然不見許敬宗撰碑不知乃在西福昌也立殿右
墻外微泐不可搨若以灰末刷之尙可讀

又南涉水升嶺降谷中三十里經新置又南循汾岸稍
東升谷中行二十五里經趙城縣

城南水亦出霍太山或彘水也南十里有鑿鈴原唐
太宗掛鈴遺跡卽往來大道是矣汾水去趙城稍遠
水經注曰汾水又逕趙城西南穆王以封造父趙氏
自此始也縣隋霍邑宋慶祚軍初宗澤令趙城請外
縣爲軍不允所請澤曰承平時固無慮他日有警當
知吾言案郡縣雖始於秦罷侯置守然大吏辟吏典

遊歷記 卷一
兵歷漢迄唐不變宋懲藩鎮之禍始奪郡縣權一兵一錢皆自天子操之于是通都大邑不能制十人夜行之盜名曰連城比於平地矣

城南又二十五里經洪洞縣

趙城有伏羲廟又有紀信祠墓案信死成臯之難當在河南也城南有媧皇陵明徐黃女媧墓詩空山兩高冢媧皇此中塋焦土積層巘勢助殿閣壯城南不當云空山也舊唐詩曰天寶十一載六月闕鄉縣黃河中女媧墓因大雨晦冥失所在乾元年六月瀕河人聞有風雷曉見其墓涌出上有巨石石上有雙柳

時號風陵堆蓋女媧亦風姓也然則媧皇陵在闕鄉矣今祀典仍在趙城水經注曰汾水又南霍水入焉水出霍太山發源成潭漲七十步而不測其深西南逕趙城南西流注於汾今趙城洪洞之界有橋所謂豫讓橋也水經注曰太原汾水上舊有梁清泝殞於梁側豫讓死於津側亦襄子解衣之所在也而太平縣境道出隘口亦有豫讓橋古蹟已邈莫能定矣洪洞古楊侯國漢書揚雄傳曰其先出自有周伯僑者食采於晉之楊因氏焉唐書宰相世系表曰楊氏出自姬姓周宣王子尚父封爲楊侯左傳女叔侯曰霍

楊韓魏皆姬姓也水經注曰楊縣晉大夫僚公去安之邑也間水東出穀遠縣西山西南逕楊縣霍山南西入于汾莽曰有年亭隋爲洪洞縣城南北皆有水居人藉之作水輜

自介休至洪洞凡二百四十里經州縣四城皆行山谷水涯或登高顛或入幽陜或截山亂水或緣壁臨深汾流阻右霍麓盤左參錯俛仰多屬險隘此晉陽內一重門戶也

又南汾城西行三十里過臯陶祠墓又三十里經平陽府

臯陶墓在汾水之東大道之西祠宇弘整距平陽城北數里有高河橋蓋黑水也水經注曰黑水出黑山西逕楊城南又西與巢山水會山海經曰牛首之山勞水出焉西流注於潞水疑是此水也潞水卽巢山之水也水源東出巢山東谷北逕浮山東又西北流與勞水合注于汾水平陽堯舜故都春秋晉地秦漢河東郡後魏唐州隋平河一曰臨汾郡唐晉州五代梁定昌一曰建雄宋平陽元晉寧路明平陽府附郭縣曰臨汾水經注曰汾水又南逕白馬城西魏刑白馬而築之今平陽郡治也晉大夫趙鼂之故邑應劭

日在平河之陽堯舜並都之也按晉烈公元年韓武子都平陽後遷於鄭永嘉之亂劉淵復都于此迄劉曜乃起於秦劉淵徙平陽於汾水得白玉印方四寸高二寸二分龍紐其文曰有新寶之印王莽所造也淵以為天授改永鳳二年為河瑞元年平陽府志以叔虞封唐收唐太宗晉祠銘唐晉祠自在太原不應入平陽然叔虞封唐實在平陽不在太原也左傳曰命以唐誥而封於夏虛服虔曰大夏在汾澮之間杜氏則以為太原晉陽縣顧炎武曰知錄曰晉之始見春秋其都在翼括地志故唐城在絳州翼城縣西二

十里堯裔子所封成王滅之而封大叔也及昭侯封文侯之弟桓叔于曲沃桓叔之孫武公滅翼而代為晉侯都曲沃在今聞喜縣其子獻公城絳居之在今太平之南絳州之北歷惠懷文襄靈成六公至景公遷新田在今曲沃縣於是以新田為絳而以故都之絳為故絳聞喜之曲沃為下國自武公滅翼王命曲沃伯以一軍為晉侯其時疆土未廣至獻公滅楊洪洞滅霍霍州滅耿河津滅魏蒲州滅虞平陸重耳居蒲隰州夷吾居屈吉州太子居曲沃聞喜而公都絳太平皆平陽一府之境而滅虢陝州滅焦同州則跨大河之南至惠公則秦征河

定歷記 燕秦

東內及解梁

晉

狄取狐厨

鄉

涉汾晉境稍蹙文公始

啓南陽得今之懷慶襄公敗秦於殺晉故地始歸而

以河西為境若霍太山以北大都狄地文公作三行

以禦狄襄公敗狄於箕而患始稀悼公用魏絳和戎

以貨易土平公用荀吳敗狄於太原於是晉北境至

洞渦雜陰間晉陽始為趙氏邑矣若成公滅赤狄潞

氏而得今之潞安頃公滅肥滅鼓而得今之真定皆

可考而知吾於杜氏解綿上并唐叔封晉陽未敢以

為然也臨汾縣志堯陵在城東七十里俗謂之神林

高一百五十尺廣二百餘步旁皆山石惟此為平土

深丈餘其廟殿廡俱設有金泰和二年記墨子曰堯

北教乎八狄道死堯蚩山之陰舜西教乎七戎道死

堯南已之市禹東教乎九彝道死堯會稽之山他若

呂氏春秋史記說苑竹書紀年大約皆主穀林成陽

濟陰甚至謂堯德衰為舜所囚又謂偃塞丹朱不使

父子相見其妄甚矣平陽去城陽甚遠堯老之後豈

復巡遊故臨汾志以為平陽之陵斷為堯冢也客有

言李建泰被殺於平陽有大風發屋之異者建泰曲

沃人世為顯族有爵位謚號者不絕建泰美髭鬚望

之如神仙崇禎時為首輔楊武陵既死帝臨朝而歎

建泰念斥家財可紓國難請督師帝御正陽門行推
轂禮既行聞晉陷計無所出且聞賊從居庸來乃南
出保定亦遇賊卽迎降保定城守嚴建泰詐之入城
竟被屠建泰遂爲賊相賊敗再降又爲相被賜棹楔
日三朝元老縣於門始告歸戊子大同總兵姜瓖兵
起其家劫之使應已而奔潰竄太平自陳於大帥白
不反狀帥受之閉於平陽舍中請而殺之初有李異
人游士大夫家咸稱爲神仙建泰及姪某又同郡仇
孝廉皆詰問皆署曰平平至是建泰及姪由太平死
平陽仇則仕平樂府之昭平令云

又西南十一里經堯廟又四十里經趙曲又十里涉巢
溪

堯廟在襄陵臨汾之界元道士姜善信所修其阼廣
七百餘畝殿前有井下視陰黑深數十丈傳是堯時
所開西側角道有元至正間與姜善信勅每皇帝稱
號前加長生天氣力裏六字六碑皆然陰有蒙古文
水經注曰水側有堯廟前有碑魏土地記曰平陽城
東十里汾水東原上有小臺臺上有堯神屋石碑案
此則舊有堯廟善信特修之也巢溪合是天井水水
經注曰天井水出東陘山西南北有長嶺嶺上東西

有通道卽鉞蹬也穆天子傳曰乙酉天子四絕鉞蹬南至鹽是也其水三泉奇發西北流總成一川西逕堯城南又西流入於汾若云巢水則逕揚縣南不當在此也俗謂巢父洗耳處洗耳當在潁濱今河南汝州城西有洗耳河是也莊子藐姑射之山在平陽西汾水北但蒙叟寓言必求實之亦不足據也汾水受巢溪水稍南卽爲山麓所截又逆而西始與此路相距遠矣西折數百十里至滎河縣入於河

自洪洞至巢溪凡一百一十里經府縣二城皆平衍無阻去汾或遠或近不甚遼濶皆行東原西曠曠絕宜爲古帝之都居人物之奧區矣

又西南入山谷升二十里經蒙城驛又升降三十里經高縣鎮又二十里經侯馬驛

蒙城侯馬兩驛俱屬曲沃縣晉之新絳也境南有絳山俗曰紫金山今絳縣處其陽以山名也漢絳縣卽今曲沃地周勃封絳侯以此後魏始移名曲沃巢溪以南崇岡大陸坑塹間之魏書晉將軍安同曰臣受遣詣絳見汾東有蒙坑東西三百餘里逕路不通五代時王峻引兵趨晉州憂北漢兵據之聞前鋒過乃喜此卽蒙城以南地也高縣侯馬稍在平原村堡

甚盛巍然如列城矣此晉陽內第二門戶平陽內第一門戶也侯馬臨澮水國語宰孔謂晉侯景霍以爲城汾河涑澮以爲淵也水經曰澮水出河東絳縣東澮交東高山注曰出詳高山亦曰河南山又曰澮山西逕翼城南合絳水逕虜祁宮南又西至王橋注于汾今澮河橋土岸上有人手跡俗傳孟姜女所留案孟姜女哭長城所在傳會長城七國皆有之不止衛北邊北邊長城則秦宣太后築隴西北地上郡魏惠王築固陽在銀州銀城縣界東至黃河西南至夏會等州趙武靈王築自代陰山至高闕爲塞而置雲中

雁門代郡燕築自造陽至襄平置上谷漁陽右北平遼東遼西郡皆在始皇前諸史並無婦哭城崩事杞梁妻左傳止載其辭齊莊郊弔檀弓則曰哭之哀孟子則曰善哭其夫言哭者始此說苑則曰其妻哭城爲之阨而隅爲之崩列女傳則曰哭十日而城爲之崩言崩城者始此夫梁妻辭郊弔又何至路哭城崩之說不足信也且崩者城耳未云長城樂府秦操有杞梁妻歌古今注杞殖妻妹朝日之所作也梁殖之字也唐僧貫休賦杞梁妻則云秦築長城遮北胡杞梁貞婦啼烏烏一號城崩塞色苦再號杞梁骨出土

遊歷記 卷一
是直以杞梁爲秦始皇築北邊長城而死殖春秋時人
距始皇甚遠齊今青州杞今開封於邊城又無預姜
齊姓孟姜數見於詩杞妻齊婦何由得過澮水不知
此所謂孟姜爲誰也所在載之何也

又三十里經隘口又十里經裴晉公故里又西十里經
東鎮又四十里經聞喜縣

隘口形勢一鎖道行壁間尤陜束矣晉陽內第二門
戶平陽內第一門戶也古名鐵鎖關今屬太平縣漢
臨汾地也關下有橋亦豎碑曰豫讓趙氏始邑於耿
後處晉陽又後乃都邯鄲襄子正以晉陽自保則豫

讓之事當以酈元爲正矣由隘口至裴晉公故里皆
行山間聞喜裴氏自晉黃門侍郎秀及從弟楷著名
至唐更盛行儉埒及晉公度與皞光進輩先後相望
多爲名臣其族塚在鳳皇原自東鎮連延迤北至紫
金山纍纍數百漢魏北朝入唐累世墓碑皆名公鉅
筆今後裔凋落家譜雖存而所失已多矣晉公里迤
西道始夷坦行大岡之麓南望中條蒼然可挹東鎮
城垣儼若廢治名勝志曰龍頭堡在縣東北二十八
里後周正平郡及聞喜縣所理也疑此是矣鎮有二
城東爲上鎮西爲下鎮下鎮有唐興寺開元六年九

月立碑許景先撰文僧師元八分書碑陰有金正隆間題字又有宋淳化碑皆立前殿外殿連有周顯德時殘碑宋淳化大曆金明昌間石幢多宋人題名塔亦宋建鎮東十里董澤在焉其長猶數里多荷花左傳所謂董澤之蒲也聞喜殷之桐也春秋晉之曲沃武公滅翼後獻公遷絳遂以曲沃爲下國然其宗廟在此悼公朝於武宮平公烝於曲沃是也後爲欒氏邑欒盈入絳范宣子執魏獻子之手略之以曲沃遂歸魏氏漢爲左邑一曰桐鄉予郡桐城於漢亦名桐鄉蓋鄉名也今桐鄉獨歸浙江矣武帝於此聞平南

越遂日聞喜邑學宮相傳是成湯塋處伊尹放太甲於此一曰栢廟其殿址墳起猶有古栢七十章大者三四十圍允非凡木前列金源栢廟碑今祠官典祀湯陵主平陽蓋在滎河縣湯都亳亳在河南管墓數百里外隔山河之險而伊尹遠徙其君於此耶今江南亳州亦有湯陵所未詳也東門外有裴晉公祠祠前半截碑乃張九齡撰裴光遠墓碣明皇御書行楷其陰鏤明皇命九齡撰文手勅大行書尙全光連父行險墓碑獨兀立洗刷之猶可辨縣境有宋趙豐公鼎書院及郭景純璞讀書遺址城南臨涑水水經曰

遼水出聞喜縣東山黍葭谷注曰俗謂之華谷至周陽與洮水合左傳子產曰臺台汾洮之神也司馬彪曰洮水出聞喜縣故王莽以縣爲洮亭也陳奕禧虞州集曰洮水東出清野山至城南五里合而西又西四十里渡涑水橋又西四十里經相里集又西三十里經牛杜村

縣西有左邑故城卽詩所謂從子於鵠者也水經注曰涑水自城西注水流急濬輕津無緩故詩人以爲激揚之水不能流移東薪耳水側卽狐突遇申生云七日見我於新城西偏也又西有王官城在涑水南

原上左傳俘我王官是也橋西數十里爲安邑界禹都也後魏分境立夏縣湯伐桀於鳴條蓋其地矣晉魏絳自魏徙都於此史記稱智伯率韓魏引水灌晉陽不沒者三版智氏曰吾始不知水可以亾人國今乃知之汾水可以浸平陽絳水可以浸安邑時韓居平陽魏居安邑二子懼乃謀殺智伯後至魏惠王遷大梁遂曰梁惠王也案絳水合澮入汾不能浸安邑當是涑水可浸安邑耳宋司馬君實光夏縣人故號涑水也牛杜村距猗氏縣十里春秋晉敗秦於令狐至於刳首先蔑奔秦士會從之闞駟曰令狐卽猗氏

也剗首在西三十里縣以猗頓得名孔叢曰猗頓魯之窮士也朱公教以畜五特於是大畜牛羊十年間貲擬王侯又郇城亦在境內詩郇伯勞之是也境南卽鹽澤矣水經注曰鹽池在安邑西南長五十一里廣六里周一百一十四里女鹽澤在猗氏故城南東西二十五里南北二十里呂宿曰沈沙煮海謂之鹽河東鹽池謂之解鹽今池水東西七十里南北十七里紫色澄渟渾而不流水出石鹽自然印成朝取夕復終無減損唯水暴雨澍甘潦奔洑則鹽池用耗故公私共竭水徑防其滯濫故謂之鹽水亦爲竭水也

道距鹽池數十里

又西四十里經樊橋驛又二十里經七級村又西南行谷中或大陸五十里經蒲州

樊橋驛屬臨晉縣縣晉桑泉邑晉公子重耳渡河入桑泉者也韓信盛軍臨晉別從夏陽以木罌渡軍遂虜魏王豹矣渡處達陝西郃陽今日吳王渡山西自太原之河曲縣保德州岢嵐州臨縣興縣至蒲州千五百里與秦接壤河身最狹處處可渡平陽名渡永和縣則曰永寧關石樓縣則曰上平關吉州則曰平渡關河津縣則曰龍門關一日禹門渡蒲州則曰大

遊歷記 卷一
慶關一日蒲津曰風陵關平陸則曰茅津渡合吳王
渡凡七明晉撫蔡懋德敗賊於風陵大慶吉鄉三渡
皆平陽境也六國合從拒秦韓楚可入武關燕趙可
下榆林魏則觸處兵刃可接乃必叩函谷仰而攻之
何耶七級至蒲州雖無甚險隘而坑谷陂陀水潦時
集亦難行也蒲州東南中條一山自東北崩劣而來
西爲雷首及河而止此太原平陽之外關也其東十
五里有張澤涑水所注水經謂之張陽池其澤甚大
時有盈耗涑出澤遠雷首入河州東有普救寺元微
之稹會真詩所托者也寺踞北坡上基址甚隘頃極

荒落土木像或尖頭臂一塔甚卑小明時所建也距
澗一坡有文昌閣蒲人中式者題名其中郡人楊文
襄公有德君子也有術者告公指此地大佳公曰果
然則私於我不如公於郡遂購之爲文昌閣矣其東
南坡上有河中書院爲屋四區堂宇弘肆正德中北
地呂經貶州貳撒東岳行祠爲之登之四眺則黃河
如帶遶抱西南太華中條交固互密峙於東南不見
大河出徑河外則秦川如掌甚可觀也書院漸頽毀
矣水經曰大河又南過蒲坂縣西地理志曰縣故蒲
也王莽更名蒲城應劭曰秦始皇東巡見有長坂故

加坂也孟康曰晉文公以賂秦秦人還蒲於魏魏人喜曰蒲反矣故曰蒲反也薛瓚注漢書曰秦世家以垣爲蒲反然則本非蒲也皇甫謐曰舜所都也或言蒲坂或言平陽及漢者也今城中有舜廟虞都古城內舜陵在焉孟子謂舜卒於鳴條檀弓曰舜崩蒼梧之野揆以事勢禹攝十有七年舜亦不應遠邁南荒則舜陵之在蒲坂亦猶堯陵之在臨汾矣州於後魏爲秦州刺史治太平遷都罷州置河東郡郡多流離謂之徙民民劉墮者善釀所云桑落酒白墮春也後周蒲州唐河中郡今駐城者武有遊擊至守禦所文有河東道郡丞州牧按冀州之地止於蒲州書云三面距河則今北直山西及河南懷慶彰德衛輝境也益稷之謨曰弼成五服至於五千冀方北境不應僅數百里而止蓋古幽并營三州在禹貢九州之外遼史幽州在渤海之間并州北有代朔營州東暨遼海皆兼塞外地也天地之氣自西北而趨於東南日闕日荒蓋至今猶未已也

又南四十里行雷首之麓經韓陽鎮又二十五里出風陵關渡大河踰山西界入陝西西抵潼關城南有河瀆廟西海神廟祠官典祀禮甚尊嚴矣西

出大慶關卽孟明濟河焚舟及高歡造三橋欲渡故道可直達陝西朝邑但河廣又阻渭故行者多由風陵也唐開元中鑄八牛置大慶河東西岸以維浮橋蓋僧懷丙爲之今西岸缺其一日知錄曰後世求一僧懷丙其人不可得不但坐而論道者不如古人矣州西門外三里卽以補朝邑之灘使陝西人越河而佃至於爭鬪殺傷予宿松縣東南乃有湖廣蘄州及江西彭澤洲地藏奸招侮亦致爭殺天下如此者甚多皆經界不正之故宜按郡邑山川截然割正此治地之善經也州南東涉涑水水經曰河水又南逕雷

首山西又南涑水注之注曰山臨大河北去蒲坂三十里尚書所謂壺口雷首者俗亦謂之堯山山上有故城世又曰堯城闕駟曰蒲坂堯都地理志曰縣有堯山有祠雷首山在南山有夷齊廟闕駟曰山一名獨頭山夷齊所隱也山南有古冢陵栢蔚然攢茂丘阜夷齊墓也一統志曰首陽山在河南偃師縣西北二十五里戴延之西征記曰洛陽東北有首陽山莊子又稱夷齊西至岐陽見周武王伐殷北至於首陽山餓死其詩登彼西山卽岐陽西之首陽山也曹大家注幽通賦又云在隴按志鳳翔不載首陽山隴西

有之不載夷齊事又順和縣南亦有首陽山山西通志曰首陽山在蒲州南四十五里一名雷首又名方山夷齊祠墓在焉史記馬融伯夷傳注曰首陽在河東蒲坂華山之北河曲之中詩采芘孔安國疏曰首陽在蒲坂南是則闕駟之說同符者衆矣水經注又曰郡南有歷山謂之歷觀舜所耕處也有舜井媯汭二水出焉注於河山西之境及河而止平陽道始靈石止蒲州渡河東卽河南閩鄉縣地西卽陝西華陰縣地也大河之源張騫以爲一出葱嶺一出于闐于闐河北流與葱嶺河合東注蒲昌海海一名鹽澤去玉門陽關三百里潛行地下南出於積石司馬遷云河出崑崙自張騫大夏之後窮何源烏覩所謂崑崙者乎因謂騫所窮河源特其小派山海經水經及唐劉元鼎使吐蕃皆云河出崑崙鄭樵又謂河有三源一出葱嶺一出關南山而正源出崑崙元遣都實窮河源潘昂霄爲之記云得於朶甘思西鄙之星宿海行二十六程始逕崑崙南王鑿曰張騫所歷諸國甚久東漢之世大夏條支安息至於海濱四萬里外重譯貢獻甘英嘗窮臨西海而還皆未覩所謂崑崙者元使行不及五千里云已踰之何崑崙之近乎河流

至此北則雷首南則潼關桃林諸山東隘逼仄兩岸如門大冬則河陰冰合人行水上僅以舟渡其半河水自此東下出底柱三門逕河南府東合伊洛遂橫溢爲患古河道由山東西界北流至直沽入海宋神宗熙寧十年河溢衛州大學衍義補曰此河入淮之始然不遇支流耳自此始挽河南行塞閉北流至明又藉爲漕輓時至衝決則南及鳳陽淮安揚州通境北至廣平河間東昌兗州地方數千里皆受其害按戰國以前作隄去河二十五里水至有所遊蕩漢王景治河十里立一水門令更相回注無復潰漏之患今汾河州縣去河不及數武不使水有餘地又不講于水門之法徒迫束之使爲我用故議者以爲功欲大于神禹而患不免于魚鼈也漢時齊人延年欲徙黃河于塞外東出遼陽以隔匈奴當時謂大禹聖人鑿龍門不可改今河在中原已非禹蹟安在不可改耶但視其能改與否耳水經曰大河又南至華陰潼關渭水從西來注之又曰河水歷船司空與渭水會注曰舊京兆郡之屬縣也河在關內南流潼激關山因謂之潼關灌水注之水出松果之上北流逕通谷世亦謂之通谷水東北注於河述征記所謂潼谷水

者也或曰因水以名地也河水自潼關東北流水側有長坂謂之黃卷坂傍絕澗涉此坂以升潼關潘岳西征賦所謂沂黃卷以濟潼關矣案今無所謂黃卷阪也潼關北臨大河南據高山爲城扼之東西二門駐城者武自副將至千兵文則有潼商道有郡丞司關權有衛所驛司軍民固雄關也關西弘敞所謂驛路西連漢時平關東險隘所謂河山北枕秦關險也出關卽闕鄉地下關遠谷桃林古塞直連殺函矣地可守不可戰故唐哥舒翰明孫傳達皆以出關而敗也王氏曰自崤山以西潼津以南通稱函谷名潼關自漢建安十六年曹操破馬超潼關始名史冊然過秦論謂始皇斬華爲城因河爲津則關宜始置於秦矣考唐史潼關有南北二關城隋煬帝各置都尉守之謂爲都尉南城都尉北城唐天授二年益移關向北近河爲路開元十二年以華州岳祠南爲通衢舊入關而西路在岳祠北也魏楊侃謂長孫稚曰昔魏武與韓遂馬超據潼關相拒遂超之才非魏武敵也然而勝負久不決者扼其險要故也唐廣明初黃巢亂以張承範守潼關關左有谷平日禁人往來以權征稅所謂禁坑也賊至倉卒官軍忘守時汝將齊克

讓以軍萬人屯關外力戰飢甚而潰賊遂從谷入谷
中灌木壽藤茂密如織一夕踐爲坦途明日賊急攻
潼關關外有天塹賊驅民千餘入其中掘土填之須
臾卽平引兵而度夜縱火焚關樓俱盡承範方分兵
守禁坑而賊已入矣韓遂張承範同一守也而敗不
敗懸殊也明崇禎八年流賊由山中間道入南原潼
關道李燁然坐堂皇治他事猝聞賊至陶家莊去關
僅五里惟怯不能禦傳永淳疏曰流賊入秦有由閩
鄉馬店滌入南山往西南奔華渭者有由閩鄉西南
王旗屯奔華陰者有由靈寶奔轆轤門北朱陽者有
由盧氏入蘭草南朱陽奔雒南者有由內鄉浙川奔
商南者不必由潼關而后入秦也然則潼關之守難
矣十一年十月總督洪承疇孫傳遶大破賊于潼關
原李自成以十八騎走尋督兵入援賊得不死是又
未嘗不可戰也關外屬河南內屬陝西後漢郡國志
陝縣有陝陌今陝州也二伯所分故有陝東陝西之
稱自唐以前皆稱陝州以西曰陝西後人遂以潼關
以西通曰陝西東晉以後則稱荊州爲陝西蓋僑置
司州故也

自巢溪至潼關凡四百二十里經州縣二城有岡

有原有夷有險經襄陵太平曲沃聞喜安邑猗氏
臨晉蒲州之界要其山皆東來水皆西注此晉中
大槩也

又西四十里經華岳廟又五里經華陰縣

潼關西五里卽渭水入河處唐故渭口倉也唐漕運
江淮粟江船不入河河船不入渭渭口有船司空本
漢置倉地隋之廣通倉皆河船不入渭矣渭水出臨
洮渭源縣之南谷山至烏鼠轉而東流北至鞏昌東
逕鳳翔過西安境華陰縣北東北流四十里入于河
關內十里華亭道北有四知坊楊太尉震塋處也舊

有關西夫子祠今門亭堂室俱壞遺址甚大猶有頽
垣也祠後岡上七塚纍纍背河面山不知孰爲大烏
所集數碑皆萬曆間修祠記震與郭太同號夫子彼
旣令終祠墓輝赫此旣有夕陽亭之厄又委荆榛仕
不如隱抑有幸不幸也又西經故定城西征記曰城
因原土述征記曰定城去潼關三十里夾道各一城
今無存矣華嶽廟在華陰城東五里門對華岳關西
有枯樹好事者刻石表曰青牛樹謂老子出關維青
牛梁份曰以樹歷千年謂之青也關中有殘碑其趺
如山尙存數字皆隸書也水經注曰有漢魏文帝三

廟廟有石闕數碑一碑是建安中立漢鎮遠將軍段煨更修祠堂碑文漢給事黃門侍郎張景造景自書之元帝又刊其二十餘字二書存重名傳於海內又刊傳中司隸校尉鍾繇弘農太守毋丘儉姓名廣六行鬱然循平是太康八年弘農太守河東衛叔始爲華陰令河東裴仲恂役其逸力修立壇廟夾道樹栢迄於山陰事見永興元年華百石所造碑此碑今皆不存立石如林多自唐以來者祠猶弘壯中像岳神冕服巋然明初太祖除去五岳四瀆封爵之號止稱某嶽某山之神極中典禮然設像泐舊至有妻有子山川之神而人鬼祀之亦猶存衰世之思也殿壁圖嶽神出巡歸宮甚炳煌後有通樓九間登之見岳如在簷際出蒲州望華山仙掌五指歷然國語云華嶽本一山當河河水過而曲行河神巨靈手盪脚踢開而爲兩開山圖曰有巨靈胡者偏得神元之道能造山川出河所謂巨靈鼉首戴靈山者也楊雄河東賦曰河靈攬踢掌華蹈襄注襄山在潼關北十餘里予登華山觀所謂仙掌僅石斑偶成掌形遠望惟肖近則失之灰泐之譚宜乎辨者衆矣樓上三峯皆見但玉女峯不可見玉女峯東峯中石微岐者上有

明星玉女祠甘氏星經曰太白上公妻曰女湔女湔
居南斗食厲天下祭之曰明星是則山有妻子星亦
有妻顧炎武曰甚矣人之好色也華山別有遊記今
不詳廟北爲洛水入渭處水出延安鄜州與商州洛
水有同稱矣水經注曰闕駟以爲漆沮之水也曹瞞
傳曰操與馬超隔渭水每渡渭輒爲超騎所衝笑地
多沙不可築城婁子伯說今寒可起沙爲城以水灌
之一宿而成操乃多作縑囊以埋水夜汲作城立於
是水之次楊延昭之守遂城實師婁生矣華陰縣秦
曰寧秦漢高帝八年改今名以在華山之北禹貢導
河至于華陰是也舊屬弘農郡郡境東盡於河南陝
州今屬西安府縣東南五里有陰晉故城春秋時晉
邑戰國屬魏魏文侯三十六年秦侵陰晉秦惠文君
五年魏納陰晉于秦于是魏地日削而秦據有函穀
六國之師莫能仰攻矣縣城以土爲之僅如小堡屢
事正對華山

又西五十里涉敷水又二十里經華州

城西卽華水水出華山三峯水經注曰山上有泉東
西分流至若山雨滂湃洪津泛灑挂溜騰虛直瀉山
下是也北流入澗古有長城水經注曰城自華山北

逕於河華岳銘曰秦晉爭其祠立城建其左史記秦孝公元年楚魏與秦接界魏築長城自鄭濱洛按祠左則在東自鄭則在西莫能定矣又西有平舒故城秦始皇末江神素車白馬道華山下返壁於華陰平舒道曰爲遺鑄池君明年祖龍死使者致之乃二十八年渡江所沈璧也又西涉餘水水南出良餘山之陰北流入渭亦曰宣水又西經集靈宮故阯地理志曰華陰縣有集靈宮武帝起故張景華岳碑稱漢武慕其靈築宮在其後也宮在敷水東水南出石山之敷谷北逕告平城水經注曰舊傳武王伐紂告太平

於此又北注渭土人引以灌溉自華陰而西平疇百里遠樹村烟山色相映竹林稻畦時聞籬落行道中者如在天然圖画中矣敷水渠唐開元間姜師度樊忱所鑿洩水害而濟渭漕者也又西十里經唐汾陽王郭子儀故里其地故園池今猶磊磊窪下種稻有菱芡藕花南有少華山山海經曰華山西南有小華山也在州南十里州古咸林周畿內地鄭桓公爲周司徒以咸林爲之采邑蓋鄭之始封也後屬晉魏戰國歸秦西魏時始爲華州州面少華枕涇渭城內隆阜唐棲雲樓故阯昭宗幸華之行宮也乾元三年李

遊歷記 卷
茂貞犯闕韓建請上幸華州昭宗登樓雲樓望京作
詞三章或云古昭慶院有樓雲樓假以駐蹕後爲州
治也州北五里有興德宮朱全忠逼昭宗遷洛陽館
於是宮

又西三十里涉赤水又二十里經渭南縣

州西喬木夾道遠以清渠五里有溪一帶諸林皆曰
西溪有小曲江之目水經注曰石橋水故沈水也南
出馬嶺山北流逕鄭城東又曰東去鄭縣十里水故
有石梁又北逕沈城北入於渭道旁里許有遊春亭
杜甫爲州司功遊此有鄭縣亭子詩所云澗之濱也

鄭縣本州治亭在縣西平王東遷鄭武公滅虢檜而
兼其土此爲西鄭彼爲新鄭矣赤眉樊崇於鄭北設
壇祀城陽景王而尊右校卒史劉俠卿牧牛兒盆子
爲帝年十五被髮徒跣爲具絳單衣半頭赤幘直綦
履顧見衆人拜恐畏欲啼號年建世後月餘乘白蓋
小車與崇及尙書一人相隨向鄭北渡渭卽此也赤
水水經注大赤水竹水也一名箭谷水又有小赤水
亦名灌水出西南石脆山流經州北入渭水上有巒
都城故潘邑殷契之所居世本曰契居蕃闕駟曰蕃
鄭西渭南漢之新豐縣地及下邳南境苻秦始析置

渭南縣渭水在城北上漲下漲是爲津處城東四里有明光原後魏置縣於原西偏隋開皇中以原上之水後移於今治城東有五鳳書院古甘泉宮在城東南神川原北麓史記始皇迎太后于雍入咸陽復居甘泉宮雍錄曰秦渭南之甘泉卽隋甘泉之在鄠者唐盧象駕幸甘泉詩曰傳聞聖主幸新豐云云則謂甘泉在是也

又西四十里經臨口又二十里經新豐又二十里經臨潼縣西門外卽漕水水出石鼓山北流入渭漕川口有

風門三秦記曰在新豐縣東南兩阜相對其所多風西十里有唐遊龍宮開元二十五年建取黑龍飲渭名之白樂天有賦臨口零水口也一曰冷水水經注曰冷水南出肺浮山蓋麗山連麓而異名也歷陰盤新豐兩原之間北流注渭唐貞觀十八年幸零口卽冷水入渭處爲往來之通道置零口鎮永徽元年零口山水暴漲漂千餘家天授二年於零口置鴻州又於郭下置鴻門縣尋廢蓋古鴻門地也零口又西涉戲水水出麗山鴻谷東經戲亭北入渭周幽王與褒姒舉燧爲戲是也張楚陳勝遣周章兵至戲下又項

羽封諸侯王罷兵戲下蘇林曰戲在新豐縣東南三十里顏師古曰今有戲水驛其東北有谷有坂蓋沛公會項羽鴻門處水經注所謂塹原通道南北洞開有同門狀是也新豐古新豐城也漢高帝徙豐人及枌榆社於此今無城但有市有堡東西臨溪相傳太上皇陵在焉按漢高祖塋太上皇於櫟陽城北原謂之萬年陵因分置萬年縣於城中爲陵邑櫟陽在渭北新豐在渭南傳者誤也臨潼周驪戎地漢新豐唐慶山會昌宋臨潼古嶢關在縣東南漢移置藍田城南門正對驪山水經注作麗史記作酈或云以驪戎

得名不知周畿內密邇豐鎬何以戎得薦居上國也幽王之禍驪戎未必不有以啟之五部匈奴遷汾晉而劉石興鮮卑遷幽州而慕容熾遣子入侍者衆而祿山亂郭欽江統薛謙光所以憤發而談也明永樂宣德間北邊來降多乞留居京師授以指揮千百戶之職賜之俸祿及銀鈔衣服房屋什器安插居住名曰達官一歲之俸不下數十萬土木之變達官之徧置近畿者一時蠢動肆掠村莊人謂之家達子至有驅迫漢人以歸葬者乃議選調達軍征苗卽留其地守禦以散之自正統七年至景泰七年調之雲南廣

東廣西福建等處達官達軍止千八百人餘留畿輔者尙衆未幾兵尙陳汝言阿附權宦盡令取回曹欽遂結其豪以反寧夏甘涼等處土達亦有滿四之變由余效忠口碑盡節由宋以還蓋眇聞矣驪山不甚峻叢栢蔚森其下爲溫泉唐華清宮也上有神女廟水經注曰溫泉世以療疾三秦記曰麗山西北有溫泉祭則得入不祭則爛人肉俗云始皇與神女唾之生瘡始皇謝之神女爲出溫水後人因以澆洗瘡予浴其泉未祭亦不爛也楊妃外傳凡銛錡釧諸娣治錦繡琢金玉者千人帝每幸華清宮五家隊合遺鈿墮烏琴瑟珠翠狼藉於道唐書敬帝幸溫湯張權輿曰昔周幽王幸驪山爲戎所殺始皇幸驪山而國亾玄宗營驪山而祿山叛先帝幸驪山而享年不長夫山不能亾人人自亾耳山左肩曰東繡嶺右肩曰西繡嶺西南五里有谷秦坑儒處也後人號愍儒鄉唐天寶中改愍爲旌山顛有漢露臺故址及秦始皇閣道石柱絕頂爲唐翠微宮其殿閣宮觀環驪山者不一而足若九龍殿七聖殿長生殿朝元閣重明閣集靈臺舞馬臺觀風樓羯鼓樓宜春亭爲最著蓋太宗時建湯泉宮高宗時名溫泉宮明皇益增廣其制天

遊歷記 卷一
寶六載改名華清環以會昌城歲十月幸歲盡乃歸也秦始皇墓在山西北蓋直城里許所謂魚池水也又西二十里渡灞水橋又十里涉漚水又十里抵西安府長樂門

縣西半里有潼水源出驪山谷中味甘美異於他水北流注渭宋大中祥符間以城臨潼水故以名焉自漢以後皆新豐地也西南十五里有白鹿觀本名驪山觀唐高祖幸溫泉傍觀川原見有白鹿遂改今名觀內有老母殿升仙宮蟾井拾遺記曰白鹿觀井中有金色蝦蟆賀蘭先生見之曰此肉芝也烹而食之

得昇天矣灞水古曰滋水秦穆公更名灞以顯霸功呂氏春秋曰太公釣於滋水是也霸峻激無魚不可釣或曰磻溪水出南山茲谷謂之茲泉太公釣處小曰几谷東南隅有石室其所處也呂氏蓋指此水經注兩存之灞水出藍田縣藍田谷中水經注曰霸水又西北左合漚水歷白鹿原東即霸川之西故芷陽矣史記秦襄王塋芷陽者也漢文帝塋其上謂之霸陵在長安東南三十里其東即軹道秦子嬰降沛公處也霸淺而闊洶湧暴發既合秦嶺傾谷杜陵諸水又漚水合荆谷會之下流壅塞山水驟決崩山倒谷

阿房宮賦曰二川溶溶流入宮墻何宮墻之能受耶
二川兼霸滻也漢霸橋在長安故城三十里霸店南
北兩橋以通新豐道送行者折柳贈別亦名銷魂橋
唐灞陵橋在京兆通化門東二十五里隋開皇三年
造元時山東唐邑人劉焯修築堅固凡一十五虹長
八十餘步闊二十四尺中分三軌傍翼兩欄有華表
鯨頭鰲首築堤五里栽柳萬株明成化六年布政使
余子俊增修之今略存石趾於河中而已甲戌歲購
木爲橋行者利之漢書王莽傳曰地皇三年霸橋木
災自東起卒數千以水汎沃救不滅晨熾夕盡是則

漢橋亦木爲之矣牛僧孺置圖書灞滻之間今此間
都屬稻田固沃衍之鄉也滻水漢志注與霸同源而
異流經藍田白鹿原西又北至霸陵城南合於霸水
隋遷都堰滻爲渠其流漸亂滻岸西乃升峻坂西京
道里記長樂坂也漢文帝從霸西馳下峻坂袁盎攬
轡諫止應是此坂也滻西行南望終南山矗立雲表
秦阿房以終南爲闕詩及禹貢所稱是也柳河東集
注曰終南卽中條也今乃以中條獨屬河東矣潘岳
關中記曰名中南言在天之中居都之南也長樂門
今東門也漢長安城門十二東曰宣平曰東城曰東

都一曰青門南曰覆盎曰下杜又曰端門曰鼎路西
曰光畢曰龍樓曰雍門莽曰章義金人號西門乃與
莽同也北曰函里一曰橫門曰洛門曰利城隋文帝
厭長安制小建新都長安故城東南前直終南山子
午谷北枕龍首山以據渭水東臨滻灞唐因之城門
十南門三曰明德曰啟夏曰安化東門三曰通化曰
春明日延興西門三曰開遠曰金光曰延平北門一
曰光化至天祐元年昭宗幸洛陽韓建改築約小之
曰新城明洪武初都督濮英增修城門四東曰長樂
南曰永寧西曰安定北曰安遠

自潼關至西安凡一百八十五里經關及縣州五
城皆面山背渭前高後卑如在側坂上至灊以內
始寬曠平行金城千里天府之國帝王之都矣然
西安亦臨水面山與背山帶水者異也咸陽在渭
北秦京也今西安在渭南周漢隋唐之京也周興
於西方故建都於此王畿西北並無侯封天子自
爲守邊故犬戎獫狁之禍不絕於國漢唐之世匈
奴回紇吐蕃之屬蹂躪宮闕蓋數數矣周東遷委
之於秦而西戎喙息五代任土豪封以州邑而西
境無虞宋藝祖時折氏襲而府州存繼捧朝而夏

州失然則五服之制宜立都者所必講也明初
太祖定鼎金陵大封諸子二十餘人而遼寧燕代
晉藩秦肅慶韓十王皆被邊藩王攸職寄以討賊
委以保邦維城之制遠邁隆古永樂改造燕山遷
寧於江西迨廢三衛開平而都城距邊遠者百餘
里近者數十里束縛諸王甚於曹魏戎馬侵軼酷
于漢唐矣

燕秦之道凡二千三百八十里經三十一城自都門
抵獲鹿山皆在西水皆東入直沽自獲鹿至王胡壽
陽以東水皆入滹沱壽陽以西水皆入汾道皆截山
亂水不定也王胡至介休山皆在南水皆北入汾介
休至隘口山皆在東或行山中或行原隰水皆西入
汾隘口至潼關山皆在東或行岡陸或行原隰水皆
入涑西入河潼關至西安山皆連亘在南水皆北入
渭燕涿民居或方而長或員而銳平定壽陽民居或
無村落皆營窟惟鎮驛則構棟宇王胡以西民居遇
山爲穴遇原爲堡或堡山顛或穴谷中潼關以西民
居皆無覆瓦或爲半屋命之曰厦沙去聲燕秦民田皆
在平原壽陽至蒲坂民田則上極山顛下窮水澳燕
晉之穀皆黍稷麥秦錯植秫秫燕婦無裳青袴晉婦

無裳紅袴秦婦有裳白袴秦衣冠多白也燕婦高冠少者高髻晉婦小冠抹額卑髻秦婦華冠高髻都門至蒲州皆虞冀州潼關至西安皆虞雍州都門至涿爲周幽州保定至平遙爲周并州介休至蒲州爲冀州潼關以西爲周畿內都門以西屬燕保定以西屬趙平陽以西屬魏渭南以西屬秦都門以西漢幽州真定以西漢冀州平定以西漢并州平陽以西漢司隸涿州黃帝都保定高陽都平陽堯舜都安邑夏禹都一曰蒲州舜都西安周秦漢晉愍帝趙劉曜秦苻堅姚興西魏北周隋唐都古今用兵者安祿山出南道至秦進韓信出中道至燕速李自成出北道至燕尤速愈冒險則功愈奇蘇秦曰秦之攻燕也踰雲中九原過代上谷卽自成入燕之道也

Large stylized watermark seal, likely reading '上海圖書館藏' (Shanghai Library Collection).



